

## ROBERTS, THOMAS ROWLAND ('Asaph '; 1857? - 1940), cofiannydd

**Enw:** Thomas Rowland Roberts  
**Ffugenw:** Asaph  
**Dyddiad geni:** 1857?  
**Dyddiad marw:** 1940  
**Rhyw:** Gwryw  
**Galwedigaeth:** cofiannydd  
**Maes gweithgaredd:** Hanes a Diwylliant; Llenyddiaeth ac Ysgrifennu  
**Awdur:** Edward Morgan Humphreys

Ganwyd yn Llanelwy. Bu am flynyddoedd yn glerc mewn swyddfeydd cyfreithwyr yng Nghaernarfon, yn gyfieithydd swyddogol ac yn ysgrifennydd llaw-fer yn y llysoedd. Am ychydig amser, yn 1901, bu yn golygu 'r *Genedl Gymreig* a phapurau eraill y swyddfa honno. Yn 1909 sefydlodd fusnes cyfrifydd ym Mae Colwyn, ac ef oedd ysgrifennydd cyffredinol yr eisteddfod genedlaethol a gynhaliwyd yno yn 1910, ac ym Mangor yn 1915. Bu farw ym Mae Colwyn 16 Mehefin 1940 yn 83 oed, a chladdwyd ef 19 Mehefin ' yng ngladdfa Bronynant. Ef oedd awdur *Edmund Prys*, 1899; *Y Monwyson*, 1902; *Eminent Welshmen*, 1908, sef geiriadur bywgraffyddol am y cyfnod 1700-1900; a *Huw Morus (Eos Ceiriog)*, 1910. Yn ei *Edmwnd Prys*, ceir argraffiad hwylus o brydyddiaeth **Prys**; a bu'r geiriadur bywgraffyddol (gyda'i gyfeiriadau helaeth) yn gymwynas fawr. Am ei weithiau eraill gweler Owen Williams, *Awduron Sir Ddinbych a'u Gweithiau*, 1937.

### Awdur

Edward Morgan Humphreys, (1882 - 1955)

### Ffynonellau

Gwybodaeth bersonol

*North Wales Weekly News*, 20 Mehefin 1940

### Dolenni Ychwanegol

Wikidata: [Q28361414](https://www.wikidata.org/wiki/Q28361414)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

